

Pita inmbaia mac tiratna timbiŋ rapar Outna kam

Gan timbiŋ rapara turrina miniŋa gaind, anna ma Iesusna ripacrena laiplacarmo, mbopca mina an ritipaca mo ŋgocraica taŋrena ririp-tiar ndeidta kambca kai warac teac, anna ma mina ritipaikapa, mina tipemb kirarir laiŋga mo ŋgocrainandet. Te, mina an kambca up aŋgirena ramtaira minmo neaŋrinanmo utiŋ gagra, na an tipna kirar mbuŋa mina Raraŋ Aetaniacapa, Kacoot Iesus Karaismo matau lamŋinanadet. Na up aŋgirena ramtaira Iesusmo ndorita lamnik puŋga watrinan, na ma minmo riptirina kamb toco, mina waracrina.

Na ramtair ndeida gaindopatna, Iesusa ma mba mac nda kipitndai. Na gan timbiŋ rapara aindoprina, ma kipnandet. Na anna gidik, ma mba tawi kiprina, na mana miniŋa gaind, Raraŋ Aetaniaca ma toŋgorinanna, ramoot ianna kai tapreke teac. Na ma toŋgorinanna, meikramtair muruŋcamiŋa iroar inkar uriracna, ainda moca ma meikramtairmo laŋanna morena, na ma lambica eacrena. U sapta 3 wes 9na inikca wat, an kamma eacrena.

**Aia ndorita eteacna tipemb
kirarir laiŋga mo gagra
meikramtair ŋgorikta kambmo
nda mbop**

(1—3)

¹ Aku Saimon Pita, aku Iesus Karaisna ainqapa, up angirena ramoot manan, na ma aina Raraŋ Aetaniac. Ma aimo mac nda angina Ramoot. Na ne ritipac laŋ ngoinna anġiatna meikramtairmo, aku gan kammo turrina, na Iesus Karaisna tip kitar wandoŋa, nena ritipaca aina ritipacna kitar toca larurinan. ² Aintik mandeaca ne Raraŋ Aetaniacapa, aina Kacoot Iesusmo mataua lamŋica garacrina. Te, ma nenmo kadmaica nena iroar inkarmo, moi wewettaca gagraca lain teacnandet.

Raraŋ Aetaniaca aimo ndonan ngoinna mona larapacrina

³ Na Iesus Karaisa ma Raraŋ Aetaniacna gargar mbuŋa ma aimo reikca muruŋa neanġa aina eteacna watmo, mo gagrana, na aimo otaca Raraŋ Aetaniacna tipemb kitarira tanraŋna. Na ainda mori, Karaisa aimo wattacarica aia manmo mataua lamŋirina. Na mana memetacna tac aniacapa, gargarapa, mana tipna kitar laŋ ngoin mbuŋa, ma aimo acatna. ⁴ Na ma aimo reik anik koindapa, reik lain koindmo muruŋcaminġa neanrinan, na an reikca ma ngaua aimo nean ndopca babuatnan. Na nikinik iroa mo ngeprena tipna kirara ma aimo gan tiacarpaikna meikramtairap eacrenan, na aimo moa ngocrairenan ngoin. Ainda moca Karaisa aimo an reik lainġa muruŋa neanrinan, na an tipna kitar mbuŋa ma nenmo otaca ne an

1:1 2 Ko 4.13, na Epe 4.5, na Ta 1.4 **1:2** Iu 1.2 **1:3** In 17.3,
na 2 Te 2.14, na 2 Ti 1.9, na 1 Pi 2.9 **1:4** 2 Ko 7.1, na Epe 4.24,
na 2 Pi 2.18-20, na 1 Io 3.2

ngocraina tipna kirarmo mba anġiitndai, na ne Raraŋ Aetaniacna, eteacna wat laŋapa mana tipna kirar toc ndarunandet.

⁵ Aında moca tip kirar laŋa mo, na an tipna kirara moca gagara ma nena ritipacna kirar toc ndeacna. Na ne Raraŋ Aetaniacmo lamŋina aiŋa moran, na an landamŋimo moi gagraca, ma nena tipemb kirarir laiŋta kirar. ⁶ Na nena tikembta tonŋongarmo ne matau ngoinna raupŋiran, na ne an tipembta kirarirmo, moi gagraca ma nena iroar laiŋta kirar ndeacna. Na ne witik gagraca witikna tipna kirarirmo anġica makukarmo mbukran, na an tipna kirarmo mo gagraca ma nena tikembmo raupŋinandet. Te, ne Raraŋ Aetaniacna tipna kirar mbuŋa taŋran, na an tipna kirarmo, mo gagraca ma nemo moi gagraca, ne makukarmo mbukna. ⁷ Na ne Raraŋ Aetaniacna kabena meikramtairmo aikora mona tipna kirarmo raŋgairan. Na an tipna kirarmo mo laruna gagraca, ma nemo moca ne Raraŋ Aetaniacna tipna kirar mbuŋa taŋranandet. Na ne kabena meikramtairmo matŋirena tipna kirarmo ne anġi, na an tipna kirarmo mo gagra, te, ne aikor gidkar tarunandet.

⁸ Na ne Iesus Karaismo lamŋirena, ma aina Kacoot. Na ne ainta tipembta kirarirmo anġi te, na mina laruca gagra te, nena an landamŋia ma wanaiŋa mba eacitndai. Wanaiŋ. Ma amna reik witta mo larunandet. ⁹ Na ramootta an tipna kirar kocortan. Te, ma an tawan ndeacrena reikmo

1:5 1 Pi 3.7, na 2 Pi 3.18 **1:6** Gal 5.22-23 **1:7** Gal 6.10, na 1 Te 5.15, na 1 Io 4.21 **1:8** In 15.2, na Ta 3.14 **1:9** Ib 9.14, na 1 Io 1.7, na 2.9-11

ma mba watitndai, anna ma lamniac ngoreacna ramootna kirar. Na ma ngaua moatna tipemb ngorikta makukarmo Raraŋ Aetaniaca moa ke-caririnan, na manmo moca laŋa moatna. Na anna gidik. Na an ramootta Raraŋ Aetaniaca manmo moatna reacmo, ma iroa mandarekrek-erina. ¹⁰ Na ne Iesusa ripacrena laiplacar, Raraŋ Aetaniaca nemo acrinan, na ma nenmo larapaca ne mana meikramtair teacnandet. Aintik ne gagraca mana meikramtair koind taruna aiŋa moran. Na ne ainda mo te, ne mba irikitndai, na mammo mba tikcariitndai. ¹¹ Te, ma nena taupmo kocnai gootca, ne mana iarwara eacrena bubuocmo mbuknandet. Na an bubuoca anna Iesus Karaisnan, na ma aina Kacoot, na ma ai mac nda anŋina Ramoot.

¹² Na anna gidik, ne an reikmo malamŋireke, na ne an kam gidikmo anŋiatna, na ne man mbuŋa witikca gagrarinan. Aintik aku tonŋgorinanna, ne iroara kai ndarekrekke teac, ainda moca memetmbaca aku nenmo mac mbopna morena. ¹³ Na an kidrikca aku ndona gan tik ndeacrenanna, aku gaind ndamŋirena anna laŋ, aku nemo mac mbopi warac te, nenmo moi iroar ngepca an reikta ndamŋina. ¹⁴ Na aku lamŋirenan, kidrik tekemmotemma aku ndona tikmo tikcarinandet. Na aina Kacoot Iesus Karaisa aukmo gaindopatna. ¹⁵ Aintik aku tonŋgoca nemo aiŋ gagra moca, nemo mac mbopna. Na aku menac te, memetmbaca aku

1:10 2 Pi 3.17, na 1 Io 3.19 **1:12** Pil 3.1, na 1 Pi 5.12, na 2 Pi 3.1, na 3.17, na 1 Io 2.21, na Iu 1.5 **1:13** 2 Pi 3.1 **1:14** In 21.18-19, na 2 Ko 5.1, na 2 Ti 4.6

nemo mbopatna gan reikta moca muruņa ne lamjiraņnandet.

Up anġirena ramtaira Raraņ Aetaniacna memetaca Karaisa tikca watrina

¹⁶ Na aia nemo aina Kacoot Iesus Karaisna mana nda kikiņna gargarmo nemo mbopatna. Na an minna aia nemo Karaisna an kam ndopatna, aia ninini wanaiņa ramootna iro mbuņ ndarurinanna mba raņgairi. Wanaiņ. Aia ndorita lamnik puņga Kacootna gargarapa, memetaca man ndarurinanna watatna, aintik aia mbopatna. ¹⁷ Na Raraņ Aetaniac Aetta manmo i aniac neaņgatnan, na an memetac laņa man mbuņa mo larurinan. Na Raraņ Aetaniac ndo ņgoinna an tamuņa auņna outna memetaca eacrenan, na ma Iesusna kammo gaidopatna, "Ganna aukna Nuoc ņgoin, aku manmo mamatņi ņgoin, na aku manmo toņtoņ ņgoin." ¹⁸ Na aia manapmo an Raraņ Aetaniacna takur ndecatke, aia an kamma waracatna. ¹⁹ Ainda moca aia rambca morina ramtairta kambca ripaca gagraca morenan, aintik ne toco mina kambmo gagraca utiņ te, anna laņ. Na mina kambca ma tac wiwirna memetaca neaup ndeacrena kirara taņga auņ raruna rambuņai te, an gui gudamma nena iroar inkara moi ņgepnandet.*

1:16 1 Ko 1.17, na 1 Io 1.1 **1:17** Mt 3.17 **1:17** Mt 17.1-5, na Mk 9.2-7, na Lk 9.28-35 **1:19** Ņap 119.105, na In 5.35, na KIEK 2.28 * **1:19** Gudam: Anna auņ raruna gui, na ma memetac aniacap. Na Iesus Karais ma an gui gudamna kirar. Karaisa Ingoroca Eacrena Kambmo Ion Mbuņa Moa Larurina timbigta kapna sapta 22 wes 16na wat, an ninini toco an ndeacrena.

²⁰ Na reac aniac ianna ne lamñinanna, anna gaind. Ramoot ianna ndona iro mbuņa Raraņ Aetaniacna timbigta kap ndeacrena rambca morena kambta miniņ ianna kai urirac teac.
²¹ Na anna miniņa gaind, ramma morena kam ianna ramoot wanaiņa tonņon mbuņa mba laruatke. Wanaiņ. Neronņ Ratta ndo ramtairmo aoca ņgepca mina Raraņ Aetaniaca neaņrena kambmo wiwitirena.

2

Ramtair ņgorikca Iesusa riņpacrena laiņlacarta iroarmo moi paurencena

(Iuda 4-13)

¹ Na anna gidik, atua paparuna rambca morena ramtair ndeida Israelnaņgepta rik naņgeprinan. Na an tipna kirar kabe mbuņa mandeacna minna paparuna ririņtia morena meikramtair ndeid toco, ņgepca meikramtairmo paruca Raraņ Aetaniacna reikta riņtinandet. Na paparuna ririņtia morena meikramtaira iņgoroca paparuna kambca moca gan min ndarunandet. Na an kambca nena ritipaikca moi ņgocrainandet. Na Kacootta min motoco ma mac nda oikrinan, na mina ndori, manmo iņ neaņrena. Na mina aında mo te, mina ndorimo tawi ņgoinna mo ņgocrainandet.
² Na meikramtair witta ndorita numbira morena tipemb kirarir ņgorikca raņgainandet, na taup gidikna kambmo nda peperena kamb ņgorik

1:20 Ro 12.6 **1:21** Up 1.16, na 3.18, na 2 Ti 3.16, na 1 Pi 1.11

2:1 Mt 24.11, na Up 20.30, na 1 Ko 6.20, na Epe 1.7, na 1 Ti 4.1, na 2 Ti 3.1-5, na 1 Pi 1.18, na Iu 1.4

ndopraņnande. ³ Na an ramtaira mina kabena ramootna reikmo lamnik puņga watca wanaiņa tonġorena, aında moca mina nenmo paparuna kamb ndopraņ te, nena kitukndukarapa, reikmo paruca aņġinandet. Na an ramtaira Raraņ Aetaniaca atua minmo ritri waparaca mona ramo larapacrinan, na ma gainġopatna mina topnandet. Aintik an ŋgogocraia minmo laruna moreke, ma mba ŋgoreke, wanaiņ. Ma lambica eacrenan.

⁴ Na ne lamņirena, atua mbaiņa aiņa morina ŋerņgaur ndeida tipemb ŋgorikta makukara moatnanna, Raraņ Aetaniaca minmo mba watacariatke. Wanaiņ. Ma minmo mbitrem kocorta auna kac ŋgoreacna neaup diriņa lawirta ŋgatik mbuņa leaca anna tikrina. Te, mina an kac ŋgoreac ndeaca, mana ritri waparaca momona rana lambiraņnande. ⁵ Na an kirar kabea atuna meikramtair toco, mina Raraņ Aetaniacmo iņ neaņgatnanna, ma minmo mba watacariatke. Wanaiņ. Ma minmo laemb aniacca moca mina menaca topatna. Na ma an tip kirar wandoņna kam wiwitia mbo-prina ramoot Noaapa, meikramtair parm-baiapa mbut mbuniņa minmo, raupņia mina mba ŋgocraiatke. ⁶ Na an kirar mbuņa Raraņ Aetaniaca mbopatke, Sodomapa Gomora toco maņgocraiat. Na an auņ aniacniņmo, ma tac mbuņa rotaca wiracarica kapir kam-

2:3 Ro 16.18, na 2 Ko 12.17-18, na 1 Te 2.5, na 1 Ti 6.5, na Ta 1.11, na 2 Pi 1.16 **2:4** Lk 8.31, na In 8.44, na 1 Io 3.8, na Iu 1.6, na KIEK 20.2-3 **2:5** RL 6.1—7.24, na 8.18, na Ib 11.7, na 1 Pi 3.20, na 2 Pi 3.6 **2:6** RL 19.24, na Ndu 26.10, na Iu 1.7

ndera ndori maeacreke. Na Raraŋ Aetaniaca aında moatke, inŋmbai nakiprena meikramtaira Sodomapa Gomoramo larurina reac mbatca anna ndamŋinandet. Te, mitoco lamŋi garacna, mina Raraŋ Aetaniacmo raŋgai ŋgocor te, kaina reaca minmo larunande. ⁷ Na an ramoot wandoŋ laŋ Lot, ma Sodom auŋ ndeacri, ma ramtair ŋgorikca morina ainta tipemb kirarir ŋgadudukar mbatca, mana nikinik iroa, moa ŋgocrairina. Aintik an kirar kabea Raraŋ Aetaniaca moatnanna, ma Lotmo aŋgica ma mba ŋgocraiatke. ⁸ Na anna gidik, an ramoot wandoŋa ma Sodomnaŋgepta rik ndeaca ma mina tipemb ŋgorik mbatrenan, na ra ra katuca ma mina kamb ŋgorik mbaracrenan. Na mana nikinik iroa wandoŋ ndeacrina, na ma watrinanna tip laŋmo mina ndarenan, aında moca mana nikinik iroa gıgıracaririna. ⁹ Na Kacootta moatna reikmo, aia lamŋiran te, aia lamŋinande, totowaiarmo Raraŋ Aetaniaca raŋgairina meikramtairmo laru te, Kacootta minmo an totowaiara tikca mac nda aŋgina taupca ma lamŋirenan. Na Kacootta meikramtair ŋgorikta tipemb kirarira ma lamŋirenan, na ma mina tipemb ŋgorikta opoikmo nda rutina taupca ma lamŋirenan, taŋi Raraŋ Aetaniacna ritri waparacna ra aniac laru te. ¹⁰ Ainta meikramtair ndeida mina ndorita tipemb ŋgorikta makukar anikta opoikca mina aŋŋinandet. Na anna an meikramtaira tipemb ŋgadudukar koindta iroar nikinik ŋgorikca

2:7 RL 19.1-16 **2:9** Nŋap 34.17-19, na 1 Ko 10.13, na Iu 1.6
2:10 Iu 1.4-10, 16

ņgepca morinan, na mina gaimda lamņireke, gan tiacarpaikna ramtair paņaindapa, Raraņ Aetaniac Kacootna kambca anna reac wanaiņ.

Na an paparuna ririptica morena meikramtaira mina nena rikca ņgeprinan, mina garurureke, na mina ndorita iroarta toņtongara raņgairenan. Ainda moca paparuna ririptica morena ramtaira tamuņna auņna outta taņrena mbaiņna aiņa morena ņeņņgaurmo peperena kamb ņgorik ndondopca, mina mba nanambirenan. ¹¹ Na an mbaiņna aiņa morena ņeņņgaura mina an ramtairmo kunda tamuņmbai, na mina gargar aniacap. Na mina an kabena mbaiņna aiņa morena ņeņņgaurmo peperena kamb ņgorikca mba mboprenanna, na minmo Raraņ Aetaniacna lamniac ņgoutta tikca ritri waparaca minmo mba mori.

¹² Na an ramtaira mina amta ņgoaebta kirarir toc, mina paņainda iroar laiņ kocor, aintik mina ndorita tikembta toņtongara raņgairenan. Na mina an raņa eacrena amta ņgoaebta kirarir toc, te, meikramtaira minmo aņģica mo menacnan niņģik. Aintik reik Ratta mina lamņi garac ņgocor, mina anmo peperena kam ņgoreac ndoprena. Na an raņa amta ņgoaebca ņgocrairena kirara, mitoco ainda ņgocrainandet. ¹³ Na mina ainta tipemb ņgorikca morenan, na Raraņ Aetaniaca mina tipemb ņgorikmo nda ruti-
nandet. Na mina gaimda lamņirenan, am-
tiammo raita kidrikca morenanna, anna tip

2:11 Iu 1.9 **2:12** Iu 1.10 **2:13** Ro 13.13, na 1 Ko 11.20-21, na Pil 3.19, na Iu 1.12

kirar lajna toŋtoŋ. Na mina nenap ambrenan, na mina nenmo tipemb kirarir ŋgorikca morenan, na nena irembmo mo ŋgocairena. Ri, an paparuna tipemb kirarira mina morinanna, mina toŋtoŋ ŋgoin. ¹⁴ Na memetmbaca mina meikpitikmo, tik tikrenan, na minmo meacramootna kaŋtertaapna tipemb kirarir ŋgadudukara momona iroarap lamŋirenan. Na mina tipemb kirarira, tip ŋgoreacna makukca momoa mina minna mba tikrenanna. Na an meikramtaira mina ritipaik gagrar kocortanmo, paparuna ririptina ramtaira minmo wai aoca minmo tipemb kirarirta tipemb ŋgorikta makukara morena. Aintik mina kabena meacramootna reikmo wanaiŋa aŋgina matjirena ririptia mina maanŋiat, ainda moca Raraŋ Aetaniaca minmo makukara neaŋrena. ¹⁵ Na mina taup laŋmo iŋ neaŋga, mina ŋaŋaoca taŋrenan. Na mina Beorna nuoc Balamna taupca maraŋgairi. Ma tip ŋgoreacna makukca mori, ma ndona tip ŋgoreacna opoik aŋgina toŋtoŋ aniacap. ¹⁶ Na amta ŋgoaeb doŋkiara mina kamma mba mboprenan, na ianna ma kam ndopca, Balammo kaega moatnan. Na an tipna kirar mbuŋa ma an ramma morina ramootna iro ŋgoreacapna landamŋi ŋgoreacmo, mo ŋgetrikirenan.

¹⁷ Aintik an paparuna meikramtaira mina aurembca puikca, puik kocorta kirarapa dimira watta wica taŋrena kirar toc. Ainda moca Raraŋ Aetaniaca mina neaupdirin ŋgoinna taupca

2:15 Iu 1.11, na KIEK 2.14
1.12-13

2:15 Ndu 22.4-35

2:17 Iu

kocroca maeacreke. ¹⁸ Na ainta ramtaira ndorimo aindopna moca kambmo tamtamma keca, garururena. Te, mina meikramtairmo moa tik ngepca mina tip ngaduduk ngoreacapa, tikna iro ngoreac mona iroara mona. Na an tipembta kirarira mina an mandebca ngepca kambmo ranğairena tip ngoreac tikcarina meikramtairmo moca, mina iroarmo mo pauriri, mina an kam mbarac kocorta meikramtairta kamma mac ranğaik. ¹⁹ Na an ramtair ngorikca aindoprena, “Ne aimo ranğai te, ne makukar kocora wanaiņ ndeacnandet. Na ne ndorita toņtongarta reikca moranğandet.” Na an ramtaira mina tip ngoreacna tuombta ainjir kamndera morena ramtair teacrenan. Aintik ramootta reac ianna watcarica, ma mana raupņia eac te, ma an reacmo watcarica ma manmo tuomna aiņ kamainda monandet. ²⁰ Na anna gidik, an paparuna ririptica morena meikramtaira Iesus Karais ndambuņmo landamņi anğirinan, na ma aina Kacoot, na ma ai mac nda anğina Ramoot. Na an landamņia otaca minmo gan tiacarpaikna makukar ngorik ngadudukar koindmo, mina anna iukairenan. Na mina an ngadudukarta makukar mac mik te, na ma minmo kac ngoreaca tik te, mina ngoreac ngoin ndeacnandet. Outta mina ngoreaca eacri, na mandeaca an ngadudukarta makukara minmo leaca mina ngoreac ngoin ndeacranğandet. ²¹ Na mina taup wandoņna tip

2:18 Up 2.40, na 2 Pi 1.4, na 2.20, na Iu 1.16 **2:19** In 8.34, na Ro 6.16, na 1 Pi 2.16 **2:20** Mt 12.45, na Lk 11.26, na Ib 6.4, na 2 Pi 1.2-4 **2:21** Lk 12.47-48, na In 9.41

kirar laŋmo lamŋi ŋgocor te, anna laŋ. Na mandeac mina an taupca malamŋiri, na mina Raraŋ Aetaniacna tip kirara maanŋiat. Aintik mandeaca mina manmo iŋ neanŋrinan. Na mina anna lamŋi ŋgocor te, anna laŋ ŋgoin, ainda moca mandeaca mina kocnai maŋgocrairi. ²² Ainda moca an reaca minmo larurinanna, anna kam gidik ianna kamna kirara ma aindoprena, “Piraŋa mbabinpaikca mb̄in irikca, iŋmbaia ma mac nda taŋga ndona mbabin mac amnandet.” Na kabena kam tip toco gaid, “Ramootta markimmo ma puk mbuŋa ru mai te, ma mac taŋca tuonŋtuonŋ mac irikca runande.”

3

Kacootta ma gidik ŋgoin nakipnandet

¹ Aukna aikndamtair koind, gan aukna iŋmbaina timbiŋ rapara aku mandeaca nenmo tirca neanŋa makipek. Na an outnanapa iŋmbaina timbiŋ rapar, aku nenmo kam neanŋa nenmo moi iroar ŋgepca ne an reik tamŋiranŋ te, nena iroara wandoikca mac eacraŋnandet. ² Na aku tonŋgorinanna, ne an iŋmbaia laruna kamna reacmo mac lamŋiranŋ, na an reikca Raraŋ Aetaniacna rambca morina ramtaira wiwitiatna. Ainda moca ne Kacootna kam gargarna lamŋiranŋ, ma ai mac nda anŋina Ramoot. Na an kam gargara up anŋirena ramtaira nen ndambuŋa kipatna ramtairta up mbuŋa waracatna.

³ Na reac aniac ianna ne lamņiran, anna ma gaind. Na gan tiacarpaikna mamaina raipaikca, peperena ramtaira kipnandet, na mina ndorita iroar inkar ņgorikca raņgairanndet. ⁴ Te, paparuna ririptica morena meikramtaira aindopnandet, “Ma mac nda kip ndoprinan ki, a? Na ma ten ndeacrenan? Ma mba kipitndai. Na an minna aina nicar ņgamrira menacri, kip, kipca gan mandeacna min mbuņa gan tiacarpaik ndarurina reikca an kirara maeacreke, mina ņgetriki ņgocor.” ⁵ Na mina an reikta moca mba mataua lamņica iroar laiņ aņģiri. An atu ņgoinna Raraņ Aetaniaca mbopca riaca tamuņ malaruat. Ri, ma puk aņģica ma pukna inikna rikca pitrikmo moa laruatna. ⁶ Na iņmbaia ma mbopatke, pukca mac laruca laemb aniac gan tiacarpaikmo kitacatke, ma kocnaia ņgocraiatna. ⁷ Na mandeaca mana an kamna kirar kabe ņgoin mbuņa, gan tiacarpaikapa riaca eacreke, tacna lambirenan, ma kip te, maniņmo moi topnandet. Na maniņa ritri waparacna ra aniacna ndabirena, na an meikramtaira Raraņ Aetaniacmo iņ neaņrinanmo, mina kocnai topnandet.

⁸ Na aukna aikndamtair koind, ne an reac kabemo kai ndarekrekke teac. Na Kacootna iro mbuņa ra kabea anna ma 1,000na iarna

3:3 1 Ti 4.1, na 2 Ti 3.1, na 2 Pi 2.10, na Iu 1.18 **3:4** Ais 5.19, na Ier 17.15, na Esi 12.22, na 12.27, na Mt 24.48, na Lk 12.45 **3:5** RL 1.6-9, na Ņap 33.6, na Kol 1.17, na Ib 11.3 **3:6** RL 7.11, na 7.21, na 2 Pi 2.5 **3:7** Mt 25.41, na 2 Te 1.8, na 2 Pi 3.10 **3:8** Ņap 90.4

kirar, na 1,000na iara ma ra kabena kirar. ⁹ Na Kacoota ma reaca mona babua mo te, ma lajan, lajanna mba morenanna, an meikramtair ndeid lamjirena kirara, wanaij. Na ma tonjorinanna meac, co, ramoot ianna kai tapreke teac. Na ma tonjorinanna, meikramtaira muruja mina iroar inkar ngetrikina, aintik ma nena moca lajanna lambia eacrena.

Gan tiacarpaikapa riaca mainandet

¹⁰ Na Kacootna Ra ma tawi ngoin nakipnandet, an macmakimna ramtair kiprena kirar toc nakipnandet. Na an Ra mbuja, riaca wapatuk aniaca moca ma mainandet. Na reik teker-noikca Raranj Aetaniaca gan tiacarpaik mbuja morinanna, taca minmo wira mina kocnai mainandet. Aintik gan tiacarpaikapa an reikca meikramtaira min mbuja morinanna, mina mba mac eacitndai. ¹¹ Na ne matau lamjiranj. Na an reiki mina an tipna kirar mbuja mai te, ne tit ndamjirenan, ne titocna tipna kirara rangaiit? Ainda moca ne ndorita eteacna watmo Raranj Aetaniacmo neanj, na ne ratna tipna kirara rangai, na mana tipemb kirarirmo muruja rangairanj. ¹² Na an tipna kirar mbuja ne Raranj Aetaniacna Rana kikipna lambiranj, na ne an Rana moca gagra aiija mo te, ma tawi larunandet. Na an Ra mbuja riacmo taca wirca, ma topnandet. Na tacna owowaia gargar ngoin

3:9 Ais 30.18, na Aba 2.3, na Ro 2.4, na 1 Ti 2.4, na Ib 10.37, na 1 Pi 3.20 **3:10** Mt 24.29, na 24.35, na 24.43, na Mk 13.31, na Lk 12.39, na 1 Te 5.2, na Ib 1.11, na KIEK 16.15, na 20.11 **3:12** Ais 34.4, na Mai 1.4, na 1 Ko 1.7, na Ta 2.13, na 2 Pi 3.10

mibuja gan tiacarpaikna reikca Raraŋ Aetaniaca morinanna, mina kocnai wirnandet, te, mina pukna kirar toc ndarunandet, na mina topnandet. ¹³ Na Raraŋ Aetaniaca ma baburinanna ma kabena tiacarpaik ŋgamapa riac ŋgamma mo larunandet, na tip kirar wandoŋ laŋ ningikca an ndeacnandet. Na aia an reac ningikna moca lambirena.

Aia ndorimo matau raupŋia Kacootna lambina

¹⁴ Na aukna aikndamtair koind, ne an reikmo lataruna lambirena. Ainda moca ne Raraŋ Aetaniacna lamniaca, ndorimo ratta mona gagra mo te, ne reac ianna makukar kocor. Na Kacootna Ra, Raraŋ Aetaniaca ma nena an tipemb kirarir laiŋmo watnandet. ¹⁵ Na Kacootta aina moca laŋanna lambia eacrena. Na ne lamŋirena, ma an tipna kirara morenanna, ma aimo mac nda aŋŋina moreke. Na aina matŋirena kaka gidik Polmo, Raraŋ Aetaniaca manmo iro landamŋi laŋmo neaŋgatna, na ma toco nenmo ainta kam tipmo turrina. ¹⁶ Na mana timbiŋ raprirmo, ma an reacna kamb ndoprenan. Na anna gidik, kamb ndeida an timbiŋ raprir ndeacrenanna, ne mba garacit. Aintik aia mana miniŋ nagaracna moca owai ŋgoin. Ainda moca meikramtair ndeida mina iroara, landamŋiar kocor tik, mina ritipaikca gagara wanaiŋ. Na mina an Polna kammo mba

3:13 Ais 65.17, na 66.22, na KIEK 21.1, na 21.27 **3:14** 1 Ko 15.58, na Pil 1.10, na 1 Te 3.13 **3:15** Ro 2.4, na 1 Pi 3.20, na 2 Pi 3.9 **3:16** Ro 10.3, na 1 Ko 15.51, na 1 Te 4.15

giwaca lamñirenanapa, Rarañ Aetaniacna Timbigta Kapna kambca an ndeacrenan motocmo, mina mba giwaca lamñirenan. Aintik mina ngocraica topnandet.

¹⁷ Na aukna aikndamtair koind, ne an reacmo inmbaia larunanna, ne malamñireke. Aintik ne ndoritake, matau wat. Na tip wandik lanmo tip kirara ndarena paparuna ramtaira, mina nenmo paruca wiñga nena ritipaikmo moca mba gagraca witikitndai. ¹⁸ Aintik Iesus Karais, ma aina Kacoot, ma ai mac nda anğina Ramoot, na ma nena moca kadmairenan, na ne manmo mataua lamñirenan. Na ne Karaisna kakad-maimo wattacarica, ma nenmo moi gagra te, ne man ndambuña iroar wit anğinandet. Na ma i aniac ngoinap, na mana imo aia mandeacapa iarwara anği ngeprañnandet. Na anna gidik.

3:17 Mk 13.5, na 13.23, na 13.33, na 1 Ko 10.12, na Epe 4.14, na 2 Pi 1.10-12 **3:18** Epe 4.15, na 2 Ti 4.18, na 1 Pi 2.2, na Iu 1.25, na KIEK 1.6

**Raraŋ Aetaniacna Kam Wemban Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 21 Feb 2024 from source files dated 29 Jan 2022

8e1073ed-d2dc-5f3a-bb48-5406185123a7